

重刻張鳳達傷暑全書

傷暑全書序

夫醫九流一技也而回天札與安樂
躋壽域而補造物之不逮厥功博已
碩五行在手則天可延陰陽未分則
延者促已審之在跬步而遠之則燕
越可畏哉寒暑均天地之厲氣傷寒
傷暑二病均厲氣之能生殺人者

問因寒因暑之說昭々為萬世的
傷寒書創自張長沙詳於朱南陽而
反覆精析於陶節庵其金書若眉列
然學者類能據籍按方而施治故往
往取效若傷暑一症醫書止勒小款
中世皆忽之遇是症率目為傷寒
以發散等劑投之間加衣被取汗甚

灸以致傷。二者索不悟。可牙悲。丁
諸生時萬曆戊子夏患茲症。氣
索瞽然。自憤庸醫。以為脾胃內。或
以為勞役中折。幾不自持。徵醫。江經
石適在旁。蹙然曰。心煩面赤。暑症
也。何多指。聞之皆駭。其名予於瞽中
微解。依之服益元散二劑。而蘇。仍

以加味香薷飲數劑而愈遂著傷寒
傷暑辯二篇刊於暑月印布兼施藥
餌其捷効若谷響乃發願搜羅羣書
著為全帙以濟世懼閱歷未久不中
款期以十以後方就筆研戊申自計
部以目恙

請告杜門
所撰得畢志移性命黃卷

家听夕屹屹無逸晷暇即焚香兀
坐間入園內視百日不佞及目愈後
至天啟壬戌感

仙師教就筆研挾古諸名家叅攷編
集而成帙牘十餘載約二萬餘千
言分爲上下兩卷議論皆常語不敢
鉤深以便醫家覽解方多遵古無室

奇宜忘則靈并粟豈珍錯而食其時
百散理宜也要在於燕越岐路處着
力耳平高貢除妬忌澄心察理審症
投咀醫之上計乎寧獨醫人一心耳
虛與實相反物與圓相仇古今成敗
之大關也秉國成者與繼國計者身
係

社稷安危操萬性命脉虛心圓智蓋
可忽乎哉予因醫而廣其說

天啓三年歲次癸亥孟夏朔旦

賜進士出身奉政大夫戶部陝西司
郎中潁郡張鶴騰撰

治暑全書題辭

江陵朱司空來總河政旣奉

旨予休澣期生屬承南河乏徂暑始
受事赴謁公於邳未至而公單舸
放流下矣舟次接言論所拳拳河
漕利病腴理而著之鍼砭殆挽萬
斛洪濤運諸指掌盖公孜孜急公

去不輟念若此已發行篋手治暑
一編屬爲廣其流布其書雖一家
言乎而原二氣之搏掎辯五行之
生旺審八方之燥濕劑六府之虛
盈集諸家以衷其成不啻視越垣
鏡秦膽良衛生之寶書廣是編也偕
斯世葆天和而躋之壽域利溥哉

仁人之心也嘗槩而論之宇宙垂
沴薄蝕之氣其惘然中於人之肌
膚往往不在秋冬斂藏之候而在
春夏暢發之時斯時生人精神血
脉方怒生憤盈旁礴不可圉制且
俛仰間駘蕩恢名之景物無不極
人志氣與之爲飛揚亢爽孰知燥

冲煩外之餘倚乃得伏長乃得消
猶之乎家計溫腴竄耗因是以萌
生世運熙洽戎莽因是以潛伏先
幾君子爲持滿爲謹微制壯以損
尋毫末於斧柯故可保性命而高
躋和扁非是者失之未然而晦冥
風雨之震凌旣中訐外脅又不幸

授手庸憤者流冥冥焉費人以試
術寒熱辛溫之雜嘗而標本虛實
之億揣此豈復有養生主哉嘗觀
厲氣流行孤子而獨父鰥夫而寡
妻家誅巷號害乃毒於水火鋒鏑
得是編爲中流一壺庶起軒皇岐
伯於當年以常回太和之宇也噫

世道之有平陂猶人身之有休旺
藥石供養而梁肉療疾幾微不察
病或中於膏肓今蚩蚩氓庶囂然
不有生全之樂其爲害豈特嚮所
訾醫師之以昌陽引年耶維其平
而制其陂俾漢廷蹊蹙無勤痛哭
於賈生而熙豐之僨張不規璜於

獻可之諷諫功寧直壽民已也是
在知幾君子矣剗剗告竟爰廣其
旨而引之簡端云

天啓乙丑小春旣望南河治水使者
武原彭期生題於署之調鶴

傷暑全書卷一

目錄次第說

病生有原治法順其原故辯冬春夏秋寒溫
暑涼症冠其首焉暑陽氣也寒陰氣也氣之
運有遲速有順逆有次舍故次天時天運於
上地載於下南北異疆寒燠殊氣令不能督
之使齊故地氣次焉天地交而陰陽有序盍
則寒暑病作症候各異故剖其異若黑白其
獨詳於暑者明專科也忽者使之驚聞習者

使其昭昭躊躇顧望而不敢決者使其奮袂而投咀令膏肓不能匿藥餌可施生心庶有托矣若暑厥暑風絞腸沙諸名家具載因之耳時疫詳朱南陽寒疫獨創于李東垣弟宗而演之至於暑瘍暑瘵常有此症從無此名不識其症安識其藥予特摹症而立名庶可據而施治焉辯疑決症因症施藥五臟不能告人而脉告之脉不能接人而指接之是脉乃天真委和之氣非圖可狀非言可傳在人

手指心會而已乃天時有定期地氣有方隅
求其宛轉變易與脉相符者惟運氣爲最微
焉夫五運有旋轉之機六氣有遲蚤之妙天
以示始終之因於地地以示始終之因於物
然則五臟六腑與物之旺落感應以此而已
幹旋而調適之權在乎藥餌若列饌然惟其
所投投則醲然若嗜神喜而病畏之不投則
恚然若讐病喜而神惡之是在取者藥方列
左古人立方良有深意其議見良有慧識卓

越不可磨滅者固多中亦有泥古任臆不可
爲訓者予採各名家論暑原文後各附愚見
品評以俟覽者取裁焉然無徵不信有攷斯
傳醫學綱目所載古今名醫類案非後學之
鑑衡乎彼俟百世而不惑吾考先正而不謬
庶幾哉與古作者默契乎至若治於未病防
其外邪順時頤養保命度生是在智者之自
調謂何耳

傷暑全書目錄卷一

卷之一

辨春夏秋冬溫暑涼寒四症病原

天時

地氣

辨寒暑症各異

暑症

暑厥

暑風

暑瘍

暑瘵

絞腸沙

時疫

寒疫

脉理

五運六氣

五運配十干之年

六氣爲司天之歲

南政北政

十二支年運氣

卷之二

治暑主方

六和湯

香薷飲

十味香薷飲

五苓散

桂苓甘露飲

益元散

藿香正氣散

二香散

九味羌活湯

人參敗毒散

清暑益氣湯

見東垣
胃氣論

又主方

香朴飲

枇杷葉散

縮脾飲

黃連解毒湯

人參白虎湯

白虎加蒼朮湯

竹葉石膏湯

三黃石膏湯

桂苓甘露飲合敗毒散

百合湯

尤散方類

加味胃苓丸

黃龍丸

消暑丸

玉露散

卻暑散

備用方類

大順散

龍鬚散

加味桂苓甘露飲

補中益氣湯

調中湯

傷暑霍亂

附霍亂瘧痢發斑

乾霍亂吐法

二陳湯

痢疾方

芍藥湯

香連丸

治痢神驗

瘧疾方

清脾飲

胃苓湯

治瘧通用

發斑方

消斑青黛飲

服藥總法

附經驗方

胃氣疼

心痛神效

痔瘡

痢疾

牙痛

作金散

大麻風屢驗

古今名醫諸彙

張仲景

傷寒第三論

痊濕暍第四論

二款

辨太陽病脉五論

三款

孫真人

傷寒例論

劉河間

中暑

李東垣

暑傷胃氣論

清暑六一氣湯附

朱丹溪

中暑論

辯動得靜得

方古菴附餘暑論

王節齋附餘暑論

陶節菴

辯張仲景傷寒論

治傷寒用藥大略

溫病辯

傷寒變溫熱病

辯惡寒

辯溫暑涼寒諸症

辯風溫

虞花溪

醫學正傳論暑

李文清

醫學入門論暑 救痰壅法

救絞腸沙法并乾霍亂

救途中熱倒法

王宇泰

證治準繩論暑 五款

加減清暑益氣湯

名醫類案

傷暑全書目錄終

重刻張鳳達傷暑全書卷之一

總督河道工部尚書江陵朱光祚聞

提督南河員外郎海鹽彭期生輯

監督府第員外郎江津周長應較

山西道監察御史仁壽黃昌發刻

新安肩吾戴任閭梓

辯春夏秋冬溫暑涼寒四症病原

生氣通天論曰夫自古通天者生之本本於陰陽天地之間六合之內其氣九州九竅五藏十

二節皆通乎天氣其生五其氣三數犯此者則邪氣傷人此壽命之本也由此論之人身元氣與天相通順養有道病何從生然則病生有因其發有原乎從其原而治之則易療陰陽應象大論曰天有四時五行以長生收藏以生寒暑燥濕風人有五藏化五氣以生喜怒悲憂恐又曰因於露風乃生寒熱是以春傷於風邪氣留連乃爲洞泄夏傷於暑秋爲痎瘧秋傷於濕上逆而效發爲痿厥冬傷於寒春必溫病四時之

氣更傷五臟此四時四氣之病原也黃帝明以
春溫根於冬寒其間氣候相近症恙相同猶可
言者原未兼及暑也至漢張長沙仲景著傷寒
書遂演內經之說曰其傷於四時之氣皆能爲
病以傷寒爲毒者以其最成殺厲之氣中而卽
病者名曰傷寒不卽病者寒毒藏於肌膚至春
變爲溫病至夏變爲暑病暑病者熱極重於溫
也自此論出而後之業岐黃術者皆宗之果爾
是專主一寒氣三病分久近皆寒爲根故後世

醫家有四時傷寒之說甚至通以麻黃桂枝湯兼治溫熱症悞人良多陶節菴諸名家亦剖三病若列眉而根始於寒不免沿而未能脫又何怪乎碌碌者愚謂道以一炁生天地以二氣生五行五氣各司其用而水火爲竅要水火能生物亦能殺物若仲景之說是水專擅其權而火爲虛而無用矣愚謂冬之寒病端屬寒威此固然不易者至春時陽氣漸舒孔竅開張服御單夾乃天氣變幻倏暖倏寒又多蕩風人感寒直

入臟腑故爲溫病猶可名曰春寒已與冬寒不
相類矣况夏至後炎火時流蒸鬱燦人得病似
傷寒者皆時暑火所感而成與冬之寒氣毫不
相涉而亦以爲冬寒之積久所發者悞已卽生
氣通天論曰是故陽因而上衛外者也因於寒
欲如運樞起居如驚神氣乃浮因於暑汗煩則
喘喝靜則多言體若燔炭汗出而散是寒暑分
因水火別症明列斷案萬世醫學之祖也又何
惑乎然內經之溫恨於寒者何故按山海經桂

名招搖葉長二尺桑名帝女大圍五十尺桂竹
葉大二尺餘高數丈其草樹奇怪類若此據經
想太古時洪水橫流懷山襄陵草木閉塞天地
濛昧陰霤拂鬱陽明未舒以故塞氣盛行元和
令少卽當大夏亦無爍金之患後世文明漸開
五行分布水火之氣各司其權若斯爭烈者卽
今春值淫雨餘寒爲厲甚者如隆冬挾纊不能
去試觀晉中暑症寥寥絕無痧瘧皆陰勝之左
券也何況古洪荒世乎此內經溫根於寒所由

發也何仲景遂申演其說并暑而一類乎是較足也且古之人茹毛衣草簾澹泊無助火之具後世炙燂之味適口醲鬱之酒克腹嗜欲灼精塵勞食氣皆足以噓熯而煽熾宜暑火之乘類而善入也謂古之寒病多而暑病少今之寒暑並重而暑爲尤劇則可愚故特列論曰傷寒者感於冬之嚴寒溫病者感於春之輕寒若暑病則專感夏之炎熱若冰炭霄泉之不相及一水一火各燥其令治法一熱劑一涼劑各中其

窾而槩以爲寒因不幾於執一遺二哉子俯仰
躊躇萬不得已敢於翻千古之案以開百世之
覺破迷而拔苦遂自甘於僭竊云爾

天時

真源曰天地之間親乎上者爲陽自上而下四
萬二千里乃曰陽位親乎下者爲陰自下而上
四萬二千里乃曰陰位既有形名難逃度數且
一歲者四時八節二十四氣七十二候三百六
十日四千三百二十辰十二辰爲一日五日爲

一候三候爲一氣三氣爲一節二節爲一時四時爲一歲一歲以冬至節爲始是時也地中陽生升凡一氣十五日上升七千里三氣爲一節四十五日陽升共二萬一千里二節爲一時一時九十日陽升共四萬二千里正到天地之中而陽合陰位是時陰中陽半其氣爲溫而時當春分之節也過此陽升而入陽位方曰得氣而升亦如前四十五日立夏立夏之後四十五日夏至夏至之節陽升通前計八萬四千里以到

天乃陽中有陽其氣熱積陽生陰一陰生於二陽之中自夏至之節爲始是時天中陰降凡一氣十五日下降七千里三氣爲一節一節四十日陰降共二萬一千里二節爲一時一時九十日陰降共四萬二千里正到天地之中而陰交陽位是時陽中陰半其氣爲涼而時當秋分之節也過此陰降而入陰位方曰得氣而降亦如前四十五日立冬之後四十五日冬至冬至之節陰降通前計八萬四千里以到地乃

陰中有陰其氣冷積陰生陽一陽生於二陰之中自冬至之後一陽升如前運行不已周而復始卽陽升陰降之八節而知天地卽溫涼寒熱之四氣而識陰陽夫陰陽判分若黑白自然故春夏秋冬四時隨令各別溫熱涼寒四時隨節候變易冬至已後至春分屬傷寒自春分至夏至屬溫病自夏至至白露屬傷暑自白露至立冬屬涼病自立冬以後至春俱屬傷寒蓋春秋之氣嘗不足冬夏之氣嘗有餘卽四月八月間亦

有暑病蓋八月間曉暮夜氣雖涼而午未之時
秋陽燥烈日炙灼人反毒於伏蓋伏時氣發汗
出陽氣在表此時陽氣漸歛真火內燃而又以
烈日薰之故毒易中人熱症更劇當細察之雖
其外症相類而受氣不同治法迥異稍有不中
節害人不淺而藥用以寒症劑其害可勝言哉
治者先數時令後審時氣隨令加減斟酌之未
有不立取效者故爲天曆說

地氣

天地之形其狀如卵六合於中其圓如毬日月
出沒運行於天之上地之下上下東西周行如
飛輪春夏日行北陸秋冬日行南陸太陽所臨
其氣燠故四方風氣各有偏勝秦晉地氣寒遂
寒病多而暑病少吳越滇黔及兩粵地氣煖故
寒病常而暑病獨劇至八九月猶如伏時彼中
盲醫不知率以治寒熱劑投之以火助火又且
禁人飲水食瓜至不可捄子萬曆丙午典試西
粵棘闈中簾官廨役多病此呻吟聲相聞醫皆

以爲寒

子

詰之曰某日曾風雨爾曾服藥否皆

如法用涼劑而痊撫臺楊公異而索方

子

元中

姑抽胸臆數款并方楊公遂付之梓題曰張司

農活人說今其板貯西粵藩司中楊公仁者乎

急於濟人如此地氣不同治法亦異猶越人見

蜀而駭毳燕人見布而疑廣氣局之識囿之耳

安可一槩施藥哉寒而但見其寒限於今也熱

而不知其熱拘於古也

子

慮大迷不解特辯而

表之

辯寒暑症各異

傷寒傷暑二症流毒天地沿襲古今人率習而不察據其外症頭痛身痛發熱惡寒等症相同皆混於象而不審其內景不觀乎時因一名之曰寒而不知其岐多端甚不可一律論者寒之傷人也一二日在膚宜汗三四日在胸宜吐五日在臍宜下確有定期可據者若暑則變幻無常入發難測不可尋想彼暴中之激烈扁鵲不及握指而投咀久服之深毒長桑不能隔膚

而見臟最爲難察而難採已卽尋常之感亦難
覺知非若傷寒之有定期定症可據可療者不
拘表裏不以漸次不論臟腑冒暑蒸毒從口鼻
入者直中心胞絡經先煩悶後身熱行坐近日
薰燥皮膚肢體者卽時潮熱煩渴入肝則眩暈
頑麻入脾則昏睡不覺入肺則喘咳痿躄入腎
則消渴非專心主而別臟無傳入也中暑歸心
神昏卒倒傷暑肉分周身煩燥或如針刺或有
赤腫蓋天氣浮於地表故人氣亦浮於肌表也

胃暑入腸胃腹痛惡心嘔瀉伏暑卽胃暑久而
藏伏三焦腸胃之間熱傷氣而不傷形旬日莫
覺變出寒熱不定霍亂吐瀉膨脹中滿瘧痢煩
渴腹痛下血等

自入肝至此採醫學入門

并主

治法皆以清內火爲主而解表兼之寒之中人
乘其虛暑則虛實并中而實更劇蓋氣血強盛
之人內已有伏火加之外火炎炎相合故焦灼
爲甚經虛處寒棲之經實處暑棲之寒凌其弱
而暑親其類也又藜蘆常被寒惟膏粱獨能禦

若暑則不問膏粱藜藿而咸能勝之侮之雖廣
厦纍冰蕙質生粟輕羅紈綺冷冷玉樹一犯其
烈焰詎能却之乎是以知暑氣之毒甚於寒乃
古人專以寒爲殺厲之氣而不及暑何也試觀
寒病至七八日方危暑病則有危在二三日間
者甚至朝發暮殆暮發朝殆尤有頃刻忽作拯
救不及者如暑風乾霍亂之類然則暑之殺厲
之氣視寒尤甚彰明較著矣寒病止一途察脉
審候執古方以療之易爲力暑症多岐中熱中

暘中內中外甚者爲厥爲風爲顛癇卽發則泄
瀉霍亂乾霍亂積久後發則瘧痢瘍種種病名
約有十餘科皆暑爲厲則暑殺厲之氣視寒幾
倍寒安敢望哉除暴中暴發久伏後發不可度
量其餘受發亦有漸次焉蓋盛夏之時熱毒鬱
蒸無論動得靜得其初入人也不識不知外之
流火與內之陽氣驟遇而爭陽氣不服先昏憤
倦疲及火與氣合氣不能勝火力漸強散爲外
熱燒灼不已氣耗而血枯故燥渴痞塞腹痛諸

惡症作焉此其變化或乍或久人莫自覺醫家亦不能辯至病深而後施治故難速愈宜早辨而早治之則易愈而取効速

暑症

立夏以後暑熱盛行時人有頭疼惡心身熱惡寒手足厥冷肢節沉痛不思飲食或氣高而喘或氣短而促甚者用手捫之如火擦皮膚或腹腸絞痛或口鼻流血病候與傷寒相似不知者誤認傷寒用風熱發汗藥或加衣出汗則元氣

蓋虛終不知悟蓋此症乃夏屬陰虛元氣不足
濕熱蒸人暴傷元氣人初感之卽骨乏腿軟精
神倦怠昏睡懶語其形如醉夢間或無汗或微
汗不斷或大汗不止煩渴飲水胃膈痞悶小便
黃而少大便澹而頻或嘔或瀉或結或霍亂不
止此等症與傷寒大異按時而施治據症而急
療無不應手者語曰勿伐天和正因時之道也
亦有不頭痛身痛惡寒者治法皆同治法輕者
宜五苓散以利小水導火下瀉而暑自解或香

需飲辛散以驅暑毒木瓜制者之要藥也或藿
香正氣散十味香薷飲之類重者人參敗毒散
桂苓甘露飲竹葉石膏湯白虎湯之類弱者用
生脉散清暑益氣湯補中益氣湯等若不分內
外不論輕重強弱一槩以和解百發百中隨試
隨應則無如六和湯最良矣方書名家古今甚
衆其中多所發揮明切精審者惟朱丹溪爲最
詳且要近世著作王宇泰先生有證治準繩證
治類方諸帙獨得其解扎竅中竅轉丸游刃之

技力追古名流已工醫者所當時披誦而潛玩者也治方見後

暑厥

夏月有卒然暈倒不省人事手足逆冷者爲暑厥此陰風也不可驟用寒涼藥先以辛溫藥散解之俟醒然後用辛涼以清火除根誤用熱藥及艾灸立死童便和薑汁灌亦易甦

暑風

忽然手足搐攣厲聲呻吟角弓反張如中惡狀

爲暑風亦有先病熱後甚漸成風者譫語狂呼
浪走氣急百倍此傷風也治法以寒涼攻劫之
與陰風不同皆宜解散化痰不宜汗下有日久
而脾胃弱者宜溫補

暑瘍

凡癰疽毒瘡發熱有時晡甚旦止若夏月間有
頭面外項赤腫或咽喉腫痛或腿足掀腫長至
數寸不能動履人皆疑爲瘡但其頭痛內燥晝
夜發熱不止自與瘡症不同但以敗毒散加石

膏黃連等藥熱症一解赤腫自消全無濃血此
名暑瘍毫釐滯千里者也

暑瘵

盛暑之月火能燦金若不禁辛酒脾火暴甚有
勞熱燥擾而火動於心肺者令人咳嗽氣喘驟
吐血衄血頭目不清胃膈煩渴不寧卽童稚老
夫間亦病此昧者以爲勞瘵不知火載血上非
真陰虧損而虛勞者等也宜四物湯黃連解毒
二陳湯三藥肉去川芎白芍黃柏以貝母易半

夏加桔梗以抑之薄荷以散之麥門五味以斂之自愈或加重便藕汁或黃連香薷飲一二劑亦可靜攝數日忌酒煎炒自安是名暑療宜酌而善用焉或用東垣參苓調中亦妙

絞腸沙

夏間有不頭痛發熱但覺小腹疼痛或心腹俱痛鼓脹痞滿不能屈伸者人或疑爲陰症或執爲食生冷過多不知皆暑火流注臟腑不能解故先小腹痛後及徧心腹法宜六和湯清解之

或五苓散加香薷木瓜紫蘇半夏之類利散之
自愈若以爲陰病生冷而用熱藥熱物助之不
可排已或用炒鹽和滾水服探吐痰涎亦妙亦
有發熱身痛等症內兼心腹痛大槩吐法爲上
用藿香正氣散或二陳湯加厚朴炒梔佳

時疫見朱丹溪

春應煖反寒夏應熱反涼秋應涼反熱冬應寒
反溫此非其時而有其氣是以一歲之中長幼
之病多相似者爲時行溫疫病也治法用人參

敗毒散九味羌活湯夏加滑石石羔冬加麻黃
桂枝春秋止依原方或藿香正氣散五積散防
風通聖散亦可甚者黃連解毒湯竹葉石膏湯

寒疫

一夏月亦有病涼者偶遇暴風怒雨不及加衣
或夜失覆或路行冒犯皆能爲涼症此非其時
而有其氣謂之寒疫治法與暑症異亦以九味
羌活湯敗毒散以辛散和解爲主不可專用汗
藥此論乃李東垣先生發自十書中從來醫書

平及然僅百之一耳以一律百以或然爲固然
左矣

脉理

脉訣舉要曰暑傷於氣所以脉虛弦細芤遲體
狀無餘

劉復真曰暑脉虛而微弱按之無力又脉來隱
伏弦細芤遲皆暑脉也脉虛身熱得之傷暑中
暍脉虛而微者是也寒病傳經故脉日變溫熱
不傳經故脉不變寒病浮洪有力者易治芤細

無力者難治無脉者不治若溫熱則不然溫有
一二部無脉者暑熱有三四部無脉者被火所
逼勒而藏伏耳非絕無也於病無妨攻之亦易
醫人一切驚走不知照經用辛寒藥火散而脉
起脉起而病愈徒駭何益乎要在辨之詳耳蓋
溫熱病有中一二經始終止在此一二經更不
傳遞別經者其一二經或洪數則別經弱且伏
依經絡調之則洪者平伏者起乃愈徵也昔在
萬曆丁未三月間寓京師備員太倉庫差忽

一日吏部同鄉劉蒲亭馳報曰病劇求採子就其寓吏部同僚諸公環守之已備後事譚語抹衣不寐者七八日已

御醫院吳思泉名醫也偕醫數人治之子胗脉

止關脉洪大其餘皆伏乃書方竹葉石膏湯諸

公皆驚曰吳等已奠附子理中湯何冰炭如是

子詰之吳曰陽症陰脉故用附子子曰兩關洪

大此陽脉也其餘經爲火所伏非陰脉也吳厲

聲相爭子亦動色自任諸公從之一劑甫時卽

止譖語抹衣就寐片時視其脉已洪者平而
伏者起諸公相視曰此真張仲景也又用辛涼
藥調理全愈脉症有相合者易知有相左者難
知脉明而後可以辨症症真而後可以施藥要
在虚心細察不可執己見而以百藥嘗試令命
在反掌間也慎之慎之

五運六氣

運氣症治者所以參天地陰陽之理明五行衰
旺之機考氣候之寒溫察民病之凶吉推加臨

得濕之法施寒熱溫涼之劑古人云治時病不知運氣如涉海問津誠哉言也今遵先賢圖訣撮其要領使人一覽而知其悉也矣

五運配十干之年

甲巳得合爲土運 乙庚得合爲金運
丁壬得合爲木運 丙辛得合爲水運
戊癸得合爲火運

六氣爲司天之歲

子午少陰君火 丑未太陰濕土 寅申少

陽相火 卯酉陽明燥金 辰戌太陽寒水
巳亥厥陰風木

南政北政

甲巳土運爲南政蓋土居中央君尊南面行
餘四運以臣事之而北而受令所以有別也
十二支年分運氣

子午年少陰君火司天歲氣熱化之候

司天者天之氣候也

君火者年少陰心經也心者君主之官神

明出焉君火乃主宰陽氣之本餘象生土
乃發生萬物之源

陽明燥金在泉

在泉者地之氣候也

初之氣厥陰風木用事子上父下益辛瀉苦
自年前十二月大寒節起至二月驚蟄終
止

天時 寒風切冽霜雪水冰蟄蟲伏藏

民病 關節禁固腰腿疼中外瘡瘍

二之氣少陰君火用事火盛金衰補肺瀉心
自二月春分節起至四月立夏終止

天時 風雨時寒雨生羽蟲

民病 淋氣鬱於上而熱令人目赤

三之氣少陽相火用事君相二火瀉苦益辛
自四月小滿節起至六月小暑終止

天時 大火行熱氣生羽蟲不鳴燕百舌
杜宇之類

民病 厥熱心痛寒更作咳喘目赤

四之氣太陰濕土用事子母相順瀉肺補腎
自六月大暑節起至八月白露終止

天時 大雨時行寒熱互作

民病 黃蘊衄血咽乾嘔吐痰飲

五之氣陽明燥金用事心盛肺衰火怕水復
自八月秋分節起至十月立冬終止

天時 溫氣乃至初冬尤煖萬物向榮

民病 寒熱伏邪於春爲瘧

六之氣太陽寒水用事火衰心病瀉鹹益苦

自十月小雪節起至十二月小寒終止
天時 暴寒勁切火邪恣毒寒氣暴止
民病 生腫咳喘甚則血溢下連小腹而
作寒中

丑未年太陰濕土司天歲氣濕化之候

太陰濕土者足太陰脾經也脾屬中央戊
巳土每季寄旺一十八日合爲七十二日
以應一歲六六三百六十日之成數也
太陽寒水在泉

初之氣厥陰風木用事主旺客哀瀉酸補甘
自年前十二月大寒節起至閏二月驚蟄
終止

天時 大風發榮雨生毛蟲

民病 血溢經絡拘強關節不利身重筋
痛

二之氣少陰君火用事以下生上瀉甘補鹹
自二月春分節起至四月立夏終止

天時 大火至疫癘君命宜行濕蒸相搏

暴雨時降

民病 瘟疫盛行遠近咸若

三之氣少陽相火用事土旺剋水補腎瀉脾

自四月小滿節起至六月小暑終止

天時 雷雨電雹地氣騰濕氣降

民病 身重跗腫胸腹滿感冒濕氣

四之氣太陰濕土用事甘旺鹹衰補腎益膀胱

脫

自六月大暑節起至八月白露終止

天時 炎熱沸騰地氣升濕化不流

民病 燠理熱血暴溢寒瘧心腹脹浮腫

五之氣陽明燥金用事土能生金益肝瀉脾
自八月秋分節起至十月立冬終止

天時 天涼霧露降

民病 脾胃寒瘧痢甚行

六之氣太陽寒水用事以上剋下瀉脾補腎

自十月小雪節起至十一月小寒終止

天時 大寒凝冽

民病 關節禁固腰腿拘痛

寅申年少陽相火司天歲氣火化之候少陽相
火者三焦浮流之火火邪則炎上上剋肺
金金受剋腎水失母則上盛下虛虛陽上
攻變生諸疾致傷元氣

厥陰風木在泉

初之氣厥陰風木用事子父相逢瀉苦益辛
自年前十二月大寒節起至二月驚蟄終

止

天時 熱氣傷人時氣流行

民病 寒熱交作咳逆頭痛血氣不調心腹不快

二之氣少陰君火用事肺衰心盛制苦益辛
自二月春分節起至四月立夏終止

天時 暴風疾雨溫濕相蒸

民病 上熱咳逆胸膈不利頭痛寒熱

三之氣少陽相火用事夏旺火熾補益大腸
自四月小滿節起至六月小暑終止

天時 炎暑亢旱草萎河輪

民病 煩熱目赤喉閉失血熱渴風邪人

多暴死

四之氣太陰濕土用事火能生土瀉甘補鹹

自六月天暑節起至八月白露終止

天時 風雨時降炎暑未去

民病 瘡痢交作寒熱頭疼

五之氣陽明燥金用事肺金受邪瀉苦補辛

自八月秋分節起至十月立冬終止

天時 寒熱風雨草木黃落

民病 寒邪風熱君子周密

六之氣太陽寒水用事心火受剋瀉鹹補苦

自十月小雪節起至十二月小寒終止

天時 寒溫無時地氣正寒霜露乃降

民病 感冒寒邪關節不利心腹痛

卯酉年陽明燥金司天歲氣燥化之候

陽明燥金者肺與大腸之氣象庚辛金也

少陰君火在泉

初之氣厥陰風木用事金木相剋補酸瀉辛
自年前十二月大寒節起至二月驚蟄終
止

天晴 陰始凝風始肅水乃冰寒雨多花
開遲

民病 寒熱浮腫失血嘔吐小便赤淋
二之氣少陰君火用事火盛金衰瀉辛益酸
自二月春分節起至四月立夏終止

天時 臣居君位大熱早行

民病 疫癘流行人多卒暴

三之氣少陽相火用事主盛客哀瀉心補肺
自四月小滿節起至六月小暑終止

天時 燥熱交合風雨暴至

民病 寒熱頭疼心煩作渴

四之氣太陰濕土用事以下生上瀉辛益酸
自六月大暑節起至八月白露終止

天時 早秋寒雨有傷苗稼

民病 卒暴寒熱風邪傷人心疼浮腫瘡

傷失血

五之氣陽明燥金用事金盛木哀瀉肺補肝

自八月秋分節起至十月立冬終止

天時 冬行春令草木生青風雨生蟲

民病 寒熱作痢氣血不和

六之氣太陽寒水用事客來助主益苦瀉鹹

自十月小雪節起至十二月小寒終止

天時 氣候反溫蟄蟲出現反行春令

民病 疫癘溫毒寒熱伏邪

辰戌年太陽寒水司天歲氣寒化之候

太陽寒水者足膀胱經也與足少陽腎經
合爲表裏屬北方壬癸水

太陰濕土在泉

初之氣厥陰風木用事脾胃受邪瀉鹹助甘
自年前十二月大寒節起至二月驚蟄終
止

天時 氣早煖草早榮溫風至

民病 疰疫寒熱頭痛嘔吐瘡瘍

二之氣少陰君火用事心火受邪瀉酸補甘
自二月春分節起至四月立夏終止

天時 春寒多雨寒濕無時

民病 氣鬱中病浮腫寒熱

三之氣少陽相火用事以上剋下瀉鹹助苦
自四月小滿節起至六月小暑終止

天時 暴熱乍涼疾風暴雨

民病 寒熱吐痢心煩悶亂癰疽瘡瘍

四之氣太陰濕土用事木旺土衰瀉甘補酸

自六月大暑節起至八月白露終止

天時 風濕交爭雨生羽蟲暴風疾雨

民病 大熱短氣赤白痢瀉

五之氣陽明燥金用事金生水旺制鹹益苦

自八月秋分節起至十月立冬終止

天時 濕熱而行客主令

民病 氣虛客熱血熱妄行肺氣壅盛

六之氣太陽寒水用事水盛火衰瀉酸助苦

自十月小雪節起至十二月小寒終止

天時 凝寒雨雪地氣正濕令行

民病 病乃悽慘孕婦多災脾胃受濕肺旺
肝衰

巳亥年厥陰風木司天歲氣風化之候

厥陰風木者是厥陰肝經也肝屬東方甲
乙木春旺七十二日也

少陽相火在泉

初之氣厥陰風木用事脾胃受邪瀉酸補甘
自年前十二月大寒節起至二月驚蟄終

止

天時 寒始肅客行主令殺氣方至

民病 寒居右脇氣滯脾胃虛壅

二之氣少陰君火用事火旺金衰瀉心補肺
自二月春分節起至四月立夏終止

天時 寒不去霜雪未殺氣施木草焦寒
雨至

民病 熱中氣血不升降

三之氣少陽相火用事肺經受邪瀉苦益辛

自四月小滿節起至六月小暑終止

天時 風熱大作雨生羽蟲

民病 淚出耳鳴掉眩

四之氣太陰濕土用事木土相刑瀉酸益甘

自六月大暑節起至八月白露終止

天時 熱氣返用山澤浮雲暴雨溽濕

民病 心受邪黃疸面爲浮腫

五之氣陽明燥金用事以金刑木瀉肺益肝

自八月秋分節起至十月立冬終止

天時 燥濕更勝沉陰乃布風雨乃行

民病 寒氣及體肺受風脾受濕發爲瘡
六之氣太陽寒水用事主助客勝瀉酸補甘
自十月小雪節起至十二月小寒終止
天時 畏火司令陽乃火化蟄蟲出現流
水不冰地氣大發草乃生

民病 瘟疫心腎相制

按天上地下而人居其中一炁分布三才並
立人與天地呼吸相通升降相符故陰陽寒

暑之氣內外合一若魚與水然故運氣所感
卽人之疾病應之善攝生者能調和臟腑使
血氣順軌天時不能侵不則逐氣而化疫癘
札瘥不可勝瘳至於因症而施治癘不能手
人可以勝天是在乎司命者留意焉